

NAZ.
• III

V

BIBLIOTECA NAZ.
Vittorio Emanuele III

XXV

C

53

NAPOLI

XXV. C. 53.

















DISCOVERS
MILITAIRE
SVR L'ATTAQVE
DES PLACES:

*ET QUELQUES CON-
siderations que l'on peut avoir avant
que de les entreprendre.*

Par le Sieur DE LA PRUGNE Capitaine au
Regiment de Champagne.

*Col: Desap
Cat:
Covo
Anno*

VIRTVTE



ET FORTVNA

*Locke
adscriptus
Secreta
1687*



A L Y O N

Par MICHEL LIBERAL Imprimeur,
M.DC. XLII.

Avec Permission.

ALIA

Handwritten text in Arabic script, possibly a signature or date.

Handwritten text in Arabic script, possibly a signature or date.





A MONSEIGNEVR
L'EMINENTISSIME
CARDINAL DVC
DE
RICHELIEV



ONSEIGNEVR

*Toute la Terre aduouë
que la France n'a iamais esté au
point de grandeur ; de puissance,
Et de gloire où elle est à present, ie*

n'en dis point la cause, puis qu'elle
est si bien connue, & que les effets
en paroissent par tous les lieux du
monde. Il n'y a point de condition,
MONSEIGNEUR qui ne s'en
ressente infiniment obligée à Vostre
Eminence. Les uns s'appliquent
à la perfection de leur art, & les
autres à cultiver les sciences, cha-
cun connoissant bien que leurs tra-
vaux & leur peines ne seront pas
inutilement employées, s'ils ont
l'honneur d'estre connus d'elle.
C'est ce qui m'a donné le courage,
MONSEIGNEUR, de m'estudier
autant qu'il m'a esté possible, &
dans la Politique, & dans l'art
Militaire, & pour cet effet ayant

receu

receu au College les premiers enseignements necessaires à la jeunesse, & qui seruent de vray fondement, tant pour suiure la profession des Armes, que toutes autres vacations les plus honorables, ie me suis étudié encore depuis que ie porte les armes à la lecture des bons Liures qui traitent de mon mestier, considerant en moy mesme que pour estre vray Soldat, il faut estre capable de commander aussi bien les villes, & les mœurs de la confusion d'un peuple, comme les troupes genereuses parmy les Armées: I'ay tousiours désiré de sçauoir l'un & l'autre, tenant cette maxime avec les

*Romains que tout bon Capitaine
doit auoir passé sa ieunesse aux
Escoles , sa force aux Armées,
Et le reste de sa vie en quelque
gouuernement. Ce n'est pas MON-
SEIGNEVR que i'aye creu pouuoir
meriter n'y atteindre à ce degré de
fortune ; mais aussi i'ay tousiours
estimé un homme indigne de sa
vacation , s'il ne fait son mestier
que pour viure , sans aucun desir
de monter plus haut , ou au moins
de se rendre Maistre en son art,
afin que s'il est mal-heureux , sa
conscience Et la voix des gens de
bien luy seruent de bon-heur Et de
recompense. Je ne dis poinct ces
choses par aucun dessein que i'aye*
MONSEI

MONSEIGNEUR, & ie ne ca-
che point sous vne generosité
apparente des passions mercenai-
res, car ie tiens qu'un homme ne
doit plus rien desirer qui a l'hon-
neur de rendre service à Vostre
Eminence, dont la grandeur ne
me donne pas tant ces sentiments
que sa bonté qui m'a fait sa crea-
ture. Toutes mes pensées ne sont
que de rechercher les moyens
d'employer & de finir ma vie
pour son service ; Cependant
MONSEIGNEUR, ie la supplie
tres-humblement d'auoir pour
agreable, que sur le comman-
dement qu'il luy a pleu me fai-
re de l'aller seruir dans les ar-

mées , ie luy presente ce petit eschantillon de mon mestier , qui n'est seulement qu'un abbrege d'une description comme i'ay peu remarquer que l'on assiege les places , avec quelques considerations que l'on doit auoir auant que de l'entreprendre. Que si ce petit ouvrage a tant d'honneur d'estre bien receu d'elle , ie prendray la hardiesse de luy presenter quelque iour plus amplement, & de distinguer par ordre toutes les actions qui se doiuent & peuuent faire, & aussi comme on les doit defendre. Il semble MONSIEUR que toute la guerre de maintenant ne consiste plus qu'à faire des Sie-

ges & prendre des places, plustost
qu'à donner des Batailles, c'est
pourquoy ie m'y suis plus estudié
qu'en toute autre action de Guerre,

MONSEIGNEUR

De Vostre Eminence

**Le tres-humble, tres-
obeissant & tres-fidelle
Seruiteur
LA PRVGNE**

PERMISSION DE MONSIEVR
le Procureur du Roy.

LE Procureur du Roy n'empesche, que
le liure intitulé *les Formes & Maxi-*
mes ordinaires dont on se sert aux Sieges, &
prises des Places, composé par le Sieur DE
LA PRUGNE, soit imprimé par Michel
Liberal, aux frais de Sieur Pierre Prost,
avec defences en tel cas requises. Fait
ce 4. Ianuier 1642.

PROST

PERMISSION DE MONSIEVR
le Lieutenant General.

SOit fait suivant les Conclusions du
Procureur du Roy. Fait ce 4. Ianuier
1642.

LA TRAGNE SEVE



LES
FORMES
ET
MAXIMES
ORDINAIRES
*dont on se sert aux sieges
& prises des places.*



Et toutes les actions de la guerre, les plus hautes & les plus esclatantes sont celles de prendre des Places fortes & d'importance : & comme les desseins en sont grands, & les entreprises hardies ; il est ne-

A

2 *Maximes des Sieges.*

cessaire que le General de l'armée ait de grandes qualitez par dessus l'ordinaire des hommes, afin que par vne bonne estime & reputation qu'il peut auoir acquise, ceux qui luy doiuent obeïr prennent confiance en luy, & que les Ennemis les puissent redouter. Vn Ancien auoit grande raison de dire qu'il valloit mieux vne armée de Cerfs cōduite par vn Lion, qu'une de Lions conduite par vn Cerf. Toute la conseruation & la gloire d'une armée depend absolument de la capacité d'un General, & la France a cet aduantage par dessus toutes les autres nations de la terre d'auoir des excellēs Capitaines: les exploits qu'ils ont faits ces dernieres années en sont des preuues bien certaines, bien qu'apres Dieu il y en ayt encore vne cause particuliere.

I.

*Les qualitez requises à un
General d'armée.*

VN General doit principalement auoir ces fix parties : la science, en l'art militaire ; les vertus & Maximes politiques , l'autorité , la preuoyance, la fortune, & la liberalité. Si en tous les arts du monde, le naturel, la theorie & la pratique sont necessaires, combien le doiuent elles estre en celuy de sçauoir bien gouuerner vne armée, qui est la plus difficile action du monde ; & qui ne desfre pas vne seule vertu ; mais vn homme qui les possède toutes, estant infatigable au travail, courageux aux dangers, industrieux aux expediés, prompt aux executions, preuoyant

4 *Maximes des Siegès.*

aux deliberations, & qui en fin se gouuerne plustost par industrie que par la violence: car souuent elle surmonte ce qui semble inuincible, les plus sçauants hommes de guerre estiment d'autant. plus vn Général, quand en se pouruoyant bien de toutes choses il incommode & dissipe son ennemy. La victoire consiste plustost en la capacité d'un homme seul qu'aux armes de plusieurs.

Mais si le general doit estre bien choisi, i'estime que tous les autres Officiers principaux de l'armée le doiuent bien estre aussi, pour les diuersitez qui se rencontrent en toutes les actions d'une armée, où le General ne pouuant estre present, il est besoin neantmoins d'y apporter de prompts remedes, outre que la pluspart des executions
(quoy

De General d'Armée. 5

(quoy que par son commandement) se font par les autres membres & officiers de l'armée.

En fin le General estant choisi, & ayant resolu d'assiéger vne place apres toutes sortes de raisons dittes au Conseil, & que l'arrest est ainsi donné, il prend connoissance de son armée, du nombre d'hommes qu'il pourra auoir, d'Infanterie, & de Cauallérie, quelles munitions & Canons, quels outils, argent & viures, quels secours & rafraischissement, & en fin toutes autres commoditez.

Ayant fait tous ces appareils, il choisit vne Ville du costé où il veut entreprendre & faire la guerre, pour faire les magasins & provisions de tout ce qui est dict. Là se dresse l'attirail de l'artillerie, & se donne le Rendez-vous de toutes

6 *Maxime des Sieges.*

les troupes pour faire la monstre generale: ce qu'estant fait & l'armée en bataille selon que le pais le permet & la qualité des troupes; il marche au meilleur ordre qu'il se peut, environ deux ou trois lieues selon le temps aussi qu'il reste de iour, & puis il fait camper son armée dans les formes & maximes ordinaires en vn lieu propre pour cela.

Le lendemain il fait marcher encor en bon ordre, & aux plus grandes iournées qu'il est possible afin de surprendre la Place qu'il veut assieger. Estant à vne iournée il enuoye vn Trompette les sommer s'il veut, puis estant à trois ou quatre lieues de la place, il fait partir le General de la Cauallerie, vn Mareschal de Camp, & quelques autres, où luy mesme avec les plans qu'il

Du General d' Armée. 7

qu'il aura eu de la Ville, sur lesquels il aura desja disposé les quartiers & logemens des troupes: il fait mener autant de Cauallerie qu'il voit estre besoin avec des enfans perdus aussi, & les met tous en bataille en lieu hors du danger du canon, cependant que l'on reconnoit la force & situation de la place, & les lieux des logemens. Si elle est malaisée à reconnoistre, il fait disposer des troupes tout autour pour se retirer à eux: on les fait tousiours suiure à l'entour hors le traict de la Ville, quelques vns escartéz çà & là: regarde le plus foible & mal flanqué; ce qui est commandé; où se logera l'artillerie; & chaque quartier, par où à peu pres l'on la peut secourir; & ainsi toutes autres choses. Si les ennemis sortent, on les repousse viuement iusques dans les

8 *Maximes des Sieges.*

les portes, & si on est assez fort, on peut entrer pelle-melle avec eux, estant aisé s'ils ne se retirent promptement au fossé, en cas qu'il soit sec: Car estant si proches des Murailles, ils ne peuuent plus tirer sans offencer les leurs. Cette premiere furie & aduantage des assaillans les assure, & estonne les ennemis, car les premiers effets s'impriment en l'ame. On peut outre cela pendant ces petites escarmouches prendre quelqu'un d'apparée qui aduertira de plusieurs choses, ou en le flattant, ou en le menaçant. Mais aussi en cette suite il faut se garder d'estre attrapez, & attirez entre des bastions, & ramparts, où les ennemis soient en gros, & se retirent aux deux costez fermant les portes. Faut tous-jours des hommes commis à pourluiure, & d'autres à faire ferme,

Du General d' Armée. 9

ferme, d'autres à garder les portes ou lieux gagez. Le tout reconnu, & sur tout le lieu des approches, on sonne la retraite, s'en retournant au dedans de l'armée: & le Marechal de camp & Marechal des logis general demeurent avec quelques troupes où ils ont departy le logement de l'armée, pour cette nuit là hors la portée du canon, ou à couuert de quelque chose.

I I.

Des logemens de l'armée.

L'Armée arriuée, l'Auant-garde se tient en bataille en l'ordre qui est dit & ordonné, & le tout se loge par ordre, puis si dès cette premiere iournée les quartiers ne

10 *Maximes des Sieges.*

sont disposez comme ils doiuent estre , pour bien assieger la Ville, on les refait le lendemain, comme l'assiette le permet , ou tout en vn tenant à l'entour, ou par quartiers vn peu esloignez , mettant toujours des fortes gardes pour empescher le secours & sorties iusques à ce que l'on soit bien retranché.

S'il y à vne riuiera qui separe les quartiers , on fait deux ponts fortifiez à chaque bout avec gardes, & des trauerfes esleuées, pour garder que le canon ne batte sur lesdits ponts : l'on se fortifie premierement du costé que l'on craint le plus, ou vers la Ville, ou vers vne armée Ennemie s'il y en a, & n'esloigne t'on pas les quartiers loin les vns des autres afin de se secourir.

On

Des logemens de l'Armée. II

On les fait chacun deux fois aussi forts que les troupes de la Ville, ou si forts de tous costez qu'on ne les puisse forcer n'y promptement, n'y à la longue, & se gouerne t'on en tout cela selon l'assiette, selon que les Ennemis sont forts dans la Ville, & à la campagne, & selon que l'on a de Cauallerie, & que le temps est fascheux. Quelquefois mesme on retranche des Villages forts d'assiette à vne lieüe de la Ville, où on en loge avec quelques compagnies de pied qui les gardent.

Quelque fois l'armée est en deux, ou en trois, ou en quatre selon le lieu faisant des tranchées, & forts, pour se couvrir de la Ville allant d'un quartier à l'autre. Si on void quelque lieux dangereux faut que les troupes logent de mesme façon

12 *Maximes des Sieges.*

que de coustume.

Pour la Cauallerie on se regle à la commodité, à l'affiette, & selon la raison de craindre ou non. Ils ont accoustumé d'estre au loin du costé des Amis, & hors des Ennemis. Si vne riuere est entre les Villes ou troupes Ennemies, & ceux du party des assiegeans, on la peut loger aux Villages des amis, & quelques troupes de gens de pied dans l'enceinte, puis selon qu'ils sont départis. Pour les gardes, on les pose sur les aduenues du costé des Ennemis, ne laissant de se fortifier & de poser quelque peu de garde en leurs quartiers, & quelque fois on loge ensemble deux ou trois regiments pour estre plus forts, & plustost assemblez au secours les vns des autres, & vont querir des fourrages, avec escortes

sur

Des logemens de l'Armée. 13

sur le païs ennemy, & en achettent aussi.

Si on est du tout en païs d'Ennemis, on loge la Cauallerie avec l'Infanterie, ou en des quartiers à part bien fortifiez & gardez de gens de pied, qui viennent à leur tour en garde aux Retranchemens du quartier; On les met proches des eaux & où on void les lieux plus propres, dont quelques troupes sont toujours en garde au loin vers les Ennemis, sur tout de iour, & vont aussi souuent battre la campagne, & on en met peu en garde vers la ville, sinon quand on est loin du fossé, ou qu'ils sont dedans quelque porte libre, & de la Cauallerie: & faut que les corps de garde soient couuerts du mauuais temps, & des terrasses deuant pour le Canon s'ils n'en sont à couuert.

14 *Maximes des Sieges.*

On pose au commencement des corps de gardes d'Infanterie au plus près que l'on peut de la Ville, avec barricades ou trauerfes , redoutes ou forts, & chacun au droit de son quartier, bien près à près, & les sentinelles encore plus.

III.

*Des Retranchemens & ligne
de Circonuallation.*

MAis pour bien assieger vne place, on fait vne circonuallation, qui est vne Enccinte de retranchemens par le dehors des quartiers , à la distance de ladicte place enuiron vn peu plus que la portée d'vn Canon, prenant garde sur tout de conduire tous les traux de ladite circonuallation sur
tous

tous les lieux eminents qui se rencontrent proches , à fin qu'un Ennemy voulant attaquer les retranchements ne se puisse seruir d'aucun auantage du terrain. Ces tranchées ou lignes de circonuallation sont ordinairement de douze pieds d'ouuerture reuenants à six pieds par en bas sur la profondeur de sept à huit pieds ; Elles sont quelque fois menées par Redens de soixante en septante toises, afin d'y donner de la defence: les meilleures sont avec des Ruelins ou petites demy-lunes , de quinze à vingt toises en chaque face, car ilz flanquent des deux costez , & ie ne voudrois pas esloigner ces defences de plus de quatre vingtz toises. Apres deux Ruelins ie voudrois former vne Redoute qui est vn petit fort quarré tout fermé

16 *Maximes des Sieges.*

d'un bon fossé : ces proportions là se rencontrent souuent différentes, car les vns en font des grandes les autres plus petites ; pour moy i'observe tousiours le milieu de toutes les opinions afin de n'estre blasmé n'y des vns, n'y des autres. Je dis donc qu'il faut ces Redoutes pour contenir seulement 60. hommes pour la garde ordinaire, scauoir quarante Mousquetz & vingt piques. Le nombre d'hommes sera plus grand selon qu'il y aura d'apparence de pouuoir estre attaquez, car en ce cas il y faudroit du moins cent cinquante ou deux cens hommes, & pourtant les Redoutes ne seront donc selon toute raison que de dixhuiet toises en chaque face sur la baze de l'elevation : Pour l'ouuerture du fossé si la Redoute est en lozange sur la
ligne

ligne : les faces sur l'angle saillant auront 24. pieds, & 12 par bas sur la profondeur de 10. à 12. pieds en ligne perpendiculaire : les parapets de 18. pieds sur le glacis bien fascinez & fraizez s'il se peut, & vne palissade encore de trois pieds de haut à 3. pieds de distance du bord du fossé : pour les deux autres faces de la Redoute dans les lignes il suffit de la même proportion des lignes avec vn Pont-leuis pour y entrer.

Outre ces Redoutes on fait aussi des forts avec angles saillans, & bastions pour contenir environ 1000. hommes en vne attaque. Ces forts se font de plusieurs formes comme en triangles, de quarrez, & autres figures multilateres, mais si ces ouurages ne sont dans leur perfection, c'est à dire bons fossez

18 *Maximes des Sieges.*

& rampars bien esleuez, & gazonnez, parapets à l'espreuve, bien frezez, & avec des pallissades, j'aymeroies mieux des ourages de corne, tenailles, & couronnes, d'autant qu'un ennemy apres vne furieuse attaque, & dont il auroit forcé vn Fort imparfait, n'enpourroit pas estre si facilement repoussé que de ces trauaux qui sont tous ouuers par derriere: L'exemple qui en est arriué au siege d'Arras nous en donne assez de preuues.

Voila quant à la circonuallation exterieure. Mais si on assiege vne grande place, & où il y ait forte garnison, il faut faire vne autre circonuallation de retranchements contre la place, & faire les mesmes defences sur ladite ligne que sur celle qui doit defendre contre les Ennemis de la campagne qui voudroient

Dela Circōnuallation.

19

voudroïët secourir la place. Neanmoins on n'y fait gueres de forts ny autres ouirages, car il me semble qu'il suffit d'une seule tranchée pour empescher qu'une puissante sortie ne vint charger à dos pendant qu'un secours attaqueroit les autres retranchements: cela dépendra de la volonté du General, du temps, & selon que l'on peut craindre les Ennemis de dedans.

I V.

Des Gardes.

POur les Gardes à ces lignes & forts, il les faut faire exactement tant caualerie qu'infanterie. La nuit on les redouble & l'infanterie borde toutes cesdittes lignes de sentinelles à cinquante pas

20 *Maximes des Sieges.*

les vnes des autres: la Cauallerie bat l'estrade entre les retranchements, & doit faire plusieurs petits corps de garde avec tousiours vn gros de reserve.

Et outre cette ditte garde dās les lignes elle doit faire la garde à la campagne & au loin vers les Ennemis, enuoyant souuent des partis à la guerre & batteurs d'estrade.

Mais pour reuenir d'ordre au discours, c'est qu'estant arriuez, le General enuoye encor vn Trompette avec gens bien parlans pour sommer la place, remonstrant les maux d'vn siege, puis il ordonne toutes les gardes & batteries, & ordonne en cette premiere nuit de faire les approches, mettant des bons Corps de-garde couchez sur le ventre fort auancez pour soutenir, faisant faire grand bruiet de

Tam

Tambours & voix vn peu à l'escart, pour n'entendre où l'on vient doucement & où on trauaille.

Celuy qui commande l'Artillerie s'estant pourueu de quantité de fascines, de chandeliers, clayes Gabions vuides, & barriques, les fait porter par des pionniers, ou soldats preparez pour le trauail; lors les Ingenieurs qui des le iour doiuent auoir reconnu les lieux propres pour recommencer la tranchée, & se loger, disposent tous les trauailleurs de costé & d'autre, les vns à faire quelques trauerfes, barricades, & logemēts aduantageux, les autres trauaillent aux batteries, remplissent gabions, font des places d'armes, esleuent quelque rampart aux lieux descouuerts, & passages; d'autres pendant tout cela, approchent les pieces,

22 *Maximes des Sieges.*

& le tout se fait, ou du moins on se met à couuert deuant le iour, Mais pour bien faire tous ces tra- uaux il faut les auoir marquez au- parauant la nuit avec des pieux & fiscelles, ou pendant vne nuit claire.

Si l'on void quelque apparence de cette nuit on donne des Escala- des par deux ou trois endroits, ou avec petards, les Soldats ayant des remarques pour se reconnoi- stre, faisant de ce premier abord, vn grand effort.

Deuant que rien commencer chacun est pourueu de ce qu'il doit auoir en charge, les vns comman- dent vn quartier, les autres vn au- tre, les vns vne batterie, vn travail à conduire, vne barricade ou lo- gement, vn rempart à esleuer, po- ser les gabions, &c. En ces choses
icy

icy faut que ce soient gens bien sages, & bien experts, qui sachent bien aduancer & placer leur hommes, & principalement pour les gardes & sentinelles.

Au point du iour le grand Maître fait saluer la Ville continuant la batterie vigoureusement : on les fait depuis quatre cens pas en approchant tousiours. Il y a des pieces pour battre les courtines & defences, & desloger les Canons de dedans : on bat en coupant & biaisant. Souuent on surprend & presse tant les Ennemis qu'on les peut emporter, la bresche estant faite, sans auoir eu temps de se fortifier.

C'est en ces attaques que l'on fait grand effort, car autrement ceux de dans prendroient beaucoup de cœur apres auoir resisté:
bien

bien souuent on fait deux ou trois bresches, à fin que donnant à mesme temps chacun craigne que lon ait entré à l'autre de derriere. Et ne faut qu'une voix de quelqu'un gagné, ou autre espouuanté criant: *Ils sont dedans*, pour faire perdre cœur à tous, regardans où ils se sauueront.

Aux assauts on met les pires troupes à la pointe pour boire tout ce qui peut estre d'artifices aux bresches, car y mettant des vaillants hommes & de qualité, c'est domage, & cela espouuante les autres voyant les meilleurs repoussez, & ne font plus rien. Il seroit bon d'y faire aller ceux qui sont aux prisons ayant merité la mort, les bien armer & deliurer ceux qui auroient bien fait.

V.

Ordre pour les Assauts.

POur l'ordre de l'assaut voicy comment i'en ay veu disposer quelques vns. Le premier regimēt de l'armée ayant commencé les approches, s'il est de garde, ordonne vn Sergent avec vingt Mousquetaires pour donner apres que le signal est fait ; puis vn Lieutenant avec deux Sergens marche apres avec cinquante hommes armez de Cuirasses & hallebarbes, ou bien de Rondaches, car armez de cette sorte ils doiuent faire ferme sur le haut de la breche, & s'y faire plustost enterrer que de relascher d'un pas.

Après ce Lieutenant il y a vn Capitaine, vn Lieutenant, & vn

D

26 *Maximes des Sieges.*

Enseigne qui marchent avec cent hommes moitié mousquetaires & moitié piquiers ou hallebardes; aux deux costez de ce corps-là doivent marcher cent pionniers portans l'outil à la ceinture, des balles de laine, sacs de terre, barriques & petits gabions. à fin de se loger tousiours sur le haut de la bresche, en cas qu'on ne puisse passer plus auant, les Ennemis s'estans bien retranchez.

Après ce Capitaine il en marche encore vn autre avec pareil nombre d'hommes; & armez de la mesme sorte, puis vn Mestre de Camp marche après pour soustenir & donner avec vn bataillon de cinq cens hommes, & ainsi on ordonne des troupes selon qu'il en est de besoin, & que les Ennemis peuuent resister. Car autrement

Ordre pour l'Assaut. 27

ment il faut redoubler tout cet ordre, tel que l'on fait ordinairement quand deux Regiments sont de garde ensemblement : Sinon, n'y en ayant qu'un, il faut qu'il le face aussi, comme au lieu d'un Sergent qui donne le premier avec vingt hommes, il en doit partir deux, puis deux Lieutenants, & ainsi du reste, on jette force grenades & autres feux d'artifices pendât l'assaut, & on fait feu de toutes les tranchées sur la bresche, & où l'on descouvre les Ennemis.

Après les hommes tirez de la garde aux approches, on dispose encore d'autres bataillons pour donner par ordre, & faut qu'ils soient à couuert ou couchez sur le ventre, le reste des Regiments demeure en bataille le long des lignes chacun devers son quartier;

28 *Maximes des Sieges.*

ou bien en deux, trois, ou quatre gros bataillons aux lieux qu'on voit estre besoin, ou que l'on doute d'une Armée. Car on se regle en tout selon la raison & le besoin; Et faut quelques petits corps de garde de Cauallerie & sentinelles hors de lignes pour decourir si l'Ennemy paroïssoit. Les bataillons qui sont pour aller à l'assaut sont disposez pour suiure par rāgs, pour se soustenir l'un l'autre. Et pour resister aux sorties, ou si on craint qu'ils sortent par quelque lieu un peu loïn, on y met des troupes.

Pour la Cauallerie, elle est par Escadrons aupres des lignes, où on void le meilleur. Et s'il est besoin quelques uns sont vers la Ville en lieu couuert. On en enuoye au loïn de petites troupes battre l'estrade; quelque fois aussi
on

Ordre pour l'Assaut. 29

on les fait donner, pied à terre la pique à la main ; mais les meilleures armes pour les assauts sont de bonnes hallebardes & pertuisannes.

Le signal se donne par quelque canonnade en certain lieu , ou trompette, ou feu, ou autrement: lors chacun donne à son rang, & qui est repoussé se iette promptement aux deux costez de ceux qui les soustiennent sans desordre, & pour n'embarasser ceux qui viennent apres ; puis on se va remettre en ordre derriere les autres.

Les Canons tirent sans cesse à la bresche, aux courtines, flancs, veüs, & autres lieux où il paroît des gens, & comme on commence d'aller à l'assaut, on en charge vne partie sans basse tirant toujours, en ayant aduertty les troup-

30 *Maximes des Sieges.*

pes , car cela empesche ceux de dedans de se monstrier , croyant qu'on ne veut espargner les hommes mesmes.

Si on entre les premiers, & quelques autres suiuent la victoire, & d'autres gagnent les places d'armes de la Ville , sans se debander s'y tenant en ordre iusques à ce que tout soit gagné, & que le General donne les quartiers: car on ne permet de piller à la débandade, mais chacun son logis. La Cauallerie n'y a ordinairement grande part, si la Ville n'est bien grande, & qu'ils n'ayent donné à l'assaut. On defend deuant que d'y aller sur peine de la vie d'entrer aux Eglises, forcer femmes, n'y tuer ceux qui ne sont en defence. On fait dire dans la Ville que les habitans se retirent aux Eglises quand

Quand ils voyent les assauts.

Après que l'on est tout à fait faisi de la place , on fait crier *viue le Roy*, & puis on va remercier Dieu aux Eglises.

On fait donner tant d'assauts que l'on veut, mais c'est grande folie maintenant d'en donner aux Villes fortes & garnies de gens , à cause des retranchements que l'on fait , artifices, & façons de defence qui perdent beaucoup d'hommes sans rien faire , mesme que maintenant on garde les dehors fort loin. On se gouuerne selon les places & selon les hommes.

Donc à vne place forte que l'on iuge ne pouuoir prendre par batterie n'y force soudaine : & que neanmoins on veut forcer continuant le trauail , on l'attaque par deux ou trois endroits selon que l'on

l'on iuge meilleur. Le premier Regiment de l'armée (s'il est assez fort)commence les approches, car on se regle pour les attaques du nombre d'hommes qui doiuent entrer en garde, & selon que les Ennemis sont forts dedãs la place.

VI.

Des Approches.

LE General ayant distribué les attaques aux Marechaux de Camp, ils se treuuent au Rendez-vous avec les Ingenieurs, qui doiuent tracer & conduire les tranchées, & autres trauaux: Là aussi tost que le iour est finy les troupes prennent les postes le plus auant qu'ils peuuent, en repoussant vigoureusement les Ennemis en cas qu'ils

qu'ils sortent & defendent les approches ; ainsi qu'ils doiuent , & qu'ils peuuent. Cependant que les assaillans s'auancent de la sorte, l'Ingenieur fait son mestier , & ayant tracé avec des pieux & de la fiscelle, les traualx qui se peuuent faire en cette nuit, il y place les traualleurs que des Sergens ou autres hommes aussi doiuent faire traualler diligemment, & se courir. C'est l'ordinaire & le meilleur de commencer tousiours les tranchées aux attaques par vne bonne Redoute ou autre grande place d'armes, & ce le plus qu'il se peut, à couuert de quelque lieu releué, ou vallon, ou chaussée & fosse.

On est quelque fois contrainct les commencer à douze ou quinze cens pas, logeant du canon sur vne plate - forme pres d'où l'on

E

34 *Maximes des Sieges.*

commence , pour fauoriser toujours , & mesme , s'il y a quelque lieu à couuert & à propos près de la place on y pose vn bon corps de garde.

On fait aller les tranchées en serpentant à fin que de la Ville elles ne soient enfilées , & que l'on ne voye dedans , hautes de sept pieds ou de huiet , & de neuf ou de dix de large , la terre iettée deuers la Ville : on fait des aculs ou fourches , de vingt ou trente pas de long pour mettre des corps de garde , & plus on approche de la Ville plus on les met proches comme cinquante ou soixante pas (& moins) quittant tousiours ceux qu'on void ne seruir plus de rien.

Après on esleue des batteries pour trois ou quatre canons ou plus avec vn bon corps de garde
aupres

auprès, que l'on fortifie, puis d'autres encore plus aduancez: ainsi on va peu à peu approchant tousiours pour venir iusques au bord du fossé, augmentant la fortification en force & en quantité plus on approche, iusques à faire par fois les corps de garde en des Redoutes & tenailles bien fossoyées, & parapetz à l'esprenue, & avec bonnes fraizes & pallissades.

Ces Redoutes se doiuent faire pour loger du moins cent hommes, avec vne planchette qui se leue en dedans, & que l'on n'y puisse entrer par dehors, mais par le bas de la tranchée, ayant sur les parapetz des sacs ou pâniers plains de terre. S'il y a du trauail il y a aussi plus de seureté, & faut moins de gens. On fait des tranchées allant par ruës & carre-four's d'un

36 *Maximes des Sieges.*

quartier à l'autre, grandes ou petites, fortes, ou foibles, selon les endroits où elles sont, mesme on approche quelque fois vn Regiment ou deux loger fort près de la Ville parmy les forts & tranchées, acheuant d'entourner & fortifier son quartier en ce lieu, & cela sert pour secourir promptement aux forties.

Ou bien on fait entrer beaucoup de monde en garde: & aux quartiers & logemens n'y a que les Escouades & tiers de compagnies, si ce n'est par vn grand besoin.

On fait plusieurs batteries pour ruiner les Flancs, Courtines, démonter pieces. On fait des mines avec Cheurons & planches en terre mouuante, & sont larges de cinq à six pieds, & hautes comme

vn homme , ou moins qui veut, c'est pour faire sauter les logemens de dehors & en approcher, & on en fait aussi estant pres du fossé pour aller sous le rampart & bastion. S'il y a de l'eau au fossé, on va jettant force terre, fascines, & pierres deuant soy, puis on creuse dedans, laissant tousiours vne bonne espaisseur tout autour de soy, puis on plante des galeries par pieces & chevrons faits en potence, quarrées de plus d'un demy pied, pres à pres de deux pas soutenant des poutres de mesme, puis des planches par dessus & aux deux costez, & le tout est caché dans la terre comme vne Mine, & on aduance ainsi peu à peu.

Mais deuant cela faut auoir logé aux deux costez du Canon sur le

38 *Maximes des Sièges.*

bord du Fosse , & ruiné tous les Flancs & defences avec d'autres canons encor esleuez sur plates-formes , qui battent sans cesse : ou bien faudroit mettre si espais de Terre, que le Canon n'y fust rien: Neanmoins à present on passe les fossez sans galleries les Flancs estāt bien ruinez comme i'ay dit , & ainsi on gagne beaucoup de tēps; Vn mineur ou deux , avec quelques soldats portent seulement des mantelets pour se couvrir des feux d'artifices , pierres , & de la mousquetterie pendant qu'ils travaillent à ouvrir la muraille.

A mesure que l'on prend quelques fortifications des Ennemis, l'on tourne les defences contre eux & les ouure t'on deuers nous, se gardant bien des contremines; Et pour ce faire on met l'oreille
contre

contre terre, on pose des dez ou pois sur des Caisses de tambours, ou vn plat d'eau, & d'autres Inventions, faisant tousiours quelques Flancs & corps de garde qui tirent en flanc du trauail que l'on fait quand on est pres de l'ennemy.

L'on s'enquiert s'il n'y a point quelque vieux Canal ou Aque-duct sous la muraille, quelque vieille Caue, ou grande cannonniere, où l'on puisse mettre des saucisses, & caques ou sacs de poudre vne nuit, enchargeant cela à des soldats asseurez & bons conducteurs. Et à fin de diminuer les hommes l'on faict souuent des Escarmouches de gens escartez, & clost-on s'y bien par tout que nul viure ny secours n'y peuuet entrer.

S'il y a peste sur le pays l'on fait traifner

traifner

40 *Maximes des Sieges.*

traisner des hardes par vn lieu qui n'apporte peril aux assiegeans, les iettant parmy les Ennemis au fossé ou dans leurs forts.

Quand on est bien proche on iette grenades & artifices. Vne bonne Inuention, cest d'auoir de bonnes gaules fortes comme de ieunes chesnes ou d'ormeaux, avec petites chaisnes de fer & boules aut bout ayant grandes pointes, avec lesquelles on en frappe & bride leurs logemens comme d'un fleau: Et s'il y a vne Riuiere qui passe à la ville, on prend bien garde qu'on n'enuoye rien par eau comme noix, bled, & autres choses que l'eau porte aual.

Et pour ce qui est des ordres de bataille que l'on peut faire si vne armée Ennemie se presente deuant les retranchements & les
veille

veuille attaquer. Je n'en oseray
iamais parler apres mon Pere qui
en a escrit assez amplement dans
son liure Intitulé *Instructions mi-
litaires*, où il parle generalement
de tous les ordres de batailles qui
se peuuent faire selon les troupes
que l'on a, & selon celles des En-
nemis, & aussi selon tous les lieux
où l'on se peut rencontrer, en quoy
l'on doit tousiours s'accommoder,
c'est pourquoy ie concluëray en
cet endroit mon discours des atta-
ques pour parler des considera-
tions qu'il faut auoir deuant que
d'entreprendre les sieges.

VII.

*Considerations qu'il faut auoir
auant que d'entreprendre
les Sieges.*

PRemierement on regarde si on le doit, & si on le peut.

Et on le doit, quand c'est pour rauoir ce qui nous a esté pris; pour affoiblir son Ennemy; pour s'affeurer & fortifier de ce costé là; & en fin quand on peut gagner beaucoup en prenant vne place. Mais on ne le doit quand les frais excèdent le profit; ou qu'il seroit difficile de conseruer la place apres l'auoir prise ou bien quand elle est si forte, si bien munie, ou proche du secours, qu'il y a plus d'apparence de dommage qu'esperance de bon succès.

On

On le peut aussi quand on a provision de tout ce qui est nécessaire pour l'entreprise, & suffisamment.

Les choses qui le sont le plus, sont l'argent, les soldats, l'artillerie, les munitions

Pour les armes, comme poudre, balles, mortiers, grenades, mousquets, picques, & autres choses.

Et pour les Instruments; comme pics, paelles, pioches, cuivres, broïettes, hottes, panniens, du bois à faire des litz: d'artillerie, gabions, fascines, fauciffes, mantelets, pontons, & galleries, & des viures en abondance.

La quantité de toutes ces choses se mesure par

L'usage des soldats,

L'usage du Canon,

44 *Considerations*

*Et le temps que peut durer un
Siege,*

qui se peut iuger par la proportion de nos forces avec celles de l'Ennemy : par les qualitez des ouvrages de la Place avec le nombre de nos munitions , & artillerie : par la garnison avec le nombre de nos gens de guerre : par la situation de la place , & par le secours qui luy pourroit venir , avec le moyen que l'on a de la boucler, empescher son secours, & faciliter le cours des viures en nostre camp, par sa distance avec les moyens d'y conduire l'armée : par la qualité du terrain , avec les commoditez que nous aurons d'y faire les approches.

Et pour ce que souuent il suruiuent des accidents qu'on n'a pas preueus, cōme vn secours inopiné,
vne

une inondation & rauage d'eau, un changement de saison, une mutinerie chez soy, ou les maladies, on se doit pourvoir à la retraite, afin qu'estant contraints on la face commodement & facilement sans desordre si on peut, car de là dépend l'honneur ou le deshonneur, le profit ou le dommage de l'affaillant.

On ne deuroit iamais tenir la campagne & sur tout assieger l'huyver pour les maux qui en arriuent: les hommes se morfondent & meurent estant à la mercy du froid, des vents, neiges, pluyes, & autres persecutions: les viures ne peuvent venir pour les eaux & mauuais chemins: & s'il y a un Ennemy en campagne c'est pour estre en grande necessité: tout ce qui est necessaire arriuera au re-

46 *Considerations*

bours de bien, toutes les fortifications tombent, les fossez & corps de garde pleins d'eau : si les assiegez sont forts & prennent bien leur temps, ils sont pour tout défaire, & donner de grandes secousses assistez des garnisons voisines qui sont toutes fraisches.

De mesme tenant la campagne sur le pais ennemy on se peut défaire de soy mesme par toutes sortes de pauuretez, & estre soudain attaquez de gens frais : ou si on se separe loin par les villages, c'est encore pis si on est surpris ; C'est donc le meilleur de se retirer aux Villes & garnisons l'hyuer, & se mettre aux champs sur la fin du mois d'Auril, s'y tenant iusques vers la fin du mois de Nouembre. On regarde en cecy le climat & le pais, car l'un est aduancé, & l'autre

tre est tardif, & mesme il y a des païs ou les mois de Iuillet & Aoust sont dangereux pour les chaleurs. Faut en Esté chercher les eaux & arbres, & en hyuer le lieu sec & couuert, aussi pour le chauffage & couuerture. Ft il faut tousiours quelques ruisseaux pres du Camp.

En outre faut garder sa foy promise & tout ce qu'on aura promis aux Ennemis, car nul ne s'y voudroit plus fier, & mourroient plus tost que tomber en nos mains. On doit traiter gracieusement les vaincus, mais regarder comment, où c'est, & à qui: Car estre trop bon, feroit resister la moindre place, attendre vn Siege en lieu foible, se rebeller & reuolter à toute heure, attendant tousiours pardon: faut donc vne mesure en tout, & chastier quelque fois & à propos, pour
donner

donner exemple, car celuy qui defend doit iuger ce qu'il peut , & n'outrepasser la temerité mesme, si ce n'est par commencement, car en ce cas, & à vn homme de merite on luy peut pardonner.

La cruauté qu'il faut fuir , c'est ayant gagné vne Bataille, pris de force vne Ville , & autres choses semblables ; Car il est tres-inhumain ayant foulé aux pieds les Enseignes des Ennemis, saccagé leurs camps , les auoir rompus , mis en fuite & taillé en pieces leurs trouppes , acheuer de sang froid ceux qui sont restez du combat, & mesme les prisonniers : ou bien ayant forcé vne bresche & tué les gens de defence, tuer encor ceux qui se cachent & se rendent , les habitans de tous âges, & innocents, forcer femmes & filles , piller
les

les Temples & choses Sainctes,
& autres maux diuers.

Il faut donc que le General ait
de tout temps fait telles defences,
& faire punir ceux qui y manque-
ront: ainsi cela fera plustost fuir les
Ennemis & poser les armes que
d'vser de tant de cruautez, & pour
estre aimé & loüé de tous, il faut
mesme faire penser les Ennemis
blessez apres la victoire.

Qu'il recompense & louë ceux
des siens qui ont bien fait, ne ca-
chant l'honneur d'autrui, mais
bien plustost le mander au Roy,
& luy faire connoistre leur merite:
qu'il se gouuerne de sorte avec
tous & en toutes choses que l'on
voye qu'il ne fait la guerre pour
tuer les Ennemis, n'y pour auoir
leurs biens, n'y s'approprier l'hon-
neur qui se peut acquerir & qui

est deu à chacun , n'y souffrir les vices, mais pour le vray honneur deu aux gens de bien pour le seruice de son païs & de son Prince.

Il y a beaucoup d'autres moyens d'auoir des Villes que par Sieges & par force,& qui les peut auoir autrement, ne doit iamais venir à telle extremité de force ouuerte, pour la perte qui se fait de tant de braues hommes & de tout ce qui dépend d'une armée.

Il y a deux moyens par lesquels on vient au dessus des places,c'est

par { *Affaut*
 &
Composition

Au premier on peut encore vser de deux voyes.

auant les Sieges. 51

{ *De force meslée avec finesse*
&
{ *De force manifeste.*

Force & finesse ensemble, c'est quand on a intelligence avec habitans, chefs, soldats ou autres que ce soit, qui aidēt à entrer sans que le reste en sçache quelque chose.

Force manifeste, c'est quand on attaque vne place sans intelligence avec petards, sapes, escalades, & tous autres moyens prompts, ou mesme quand on l'attaque par Siege, & la bresche faite, duquel moyen i'ay parlé cy deuant.

Pour la composition elle est aussi en deux sortes:

Volontaire

ou

Forcée

La volontaire c'est quand vne Ville quitte l'vn pour se donner à

l'autre, ou en protection ou autrement, comme Cazal, Geneue, Mont-beliard, & Barcelone qui ont quitté leurs partis pour se mettre en la protection du Roy : Et mesmes y donner pour estre maintenuës contre leurs Ennemis, quoy que libres ou sujets, & ce pour quelque cause que ce soit.

La composition forcée est encore en trois sortes par:

Vn Siege long ou court:

Les courses ordinaires des garnisons voisines.

ou

Par des Forts, faicts à l'entour.

Pour les tenir de court, piller les biens & bestial, prendre prisonniers, empescher de semer, & autres maux diuers: ou vne Ville aussi se rend souuent voyant venir vne armée & se sentant foible

en tout , & desgarnie de tout.

Vn General d'armée doit suiure les moyens qu'il treuve meilleurs par toutes raisons disputées en son Esprit & en son conseil.

Il faut s'enquerir de ces choses & à peu pres iuger les defauts ou aduantages de chacune, en ayant sur tout des plans au naturel & Topographiques.

Si la Ville est forte par l'assiette, ou par art, les fossez avec eau , ou à sec, quelles murailles , bastions, contrescarpe, quels dehors, & toutes autres fortifications , quelles garnisons & habitans, comme ils s'aiment, quels chefs & autres gens entendus au mestier de la guerre, principalement pour les Sieges: comme ils sont payez, & s'ils y sont volontairement ; s'ils sont fidelles, quels canons, munitions, viures,

54 *Considerations*

& toutes autres choses necessaires. Si elle se peut battre par le Canon, & par où : si elle peut estre secourüe ; en quels lieux se faut logger tout autour ; si elle se peut miner ; si l'on y fait bonne garde , & en quels lieux & comme sont les portes pour la surprendre, & en quelle façõ ; s'il y a des ligues & inimitiez pour en gagner quelqu'un, & comme ils se peuuent gagner ? S'il y à apparence de pratiquer quelque soldat ou autre. Bref il faut conclure puis que cette Ville là est en tel estat, il faut faire ainsi, & comme il est dit suiure le meilleur moyen, & mettre son esperance sur la voye par où on pense mieux venir à bout ; comme si elle est mal auitaillée faut l'affamer , sans trop grand effort : si elle est en diuision faut gagner quelqu'un ; &
ainsi

ainſi des autres.

Il faut pluſtoſt vſer de force meſlée avec fineſſe que de force ouuerte:& vne Ville forte & puisſante, ſe doit pluſtoſt auoir par douceur que par violence, à cauſe de la perte de pluſieurs gens de bien, & auſſi que ces Villes là ſ'en conſerueront beaucoup mieux n'ayant receu aucun tort.

Pour les gagner donc il faut employer de l'argent pour gagner les chefs & autres qui ſeruent, & des belles parolles pour perſuader les habitans : il faut pour cela des hommes qui y ſoient propres & beaux parleurs, des trompettes & des tambours habiles, car tout leur eſt permis, des perſonnes qui facent les fugitifs auſſi.

Faut conſiderer l'occaſion qu'une Ville a de ſe defendre:ſi la querelle eſt

est sienne ou ne luy touche gueres.

Quand la querelle est sienne voir si vne extreme necessité l'y contrainct, comme s'estre rebellée contre son Prince, ou cōmis quelque autre grand mal, tiē leurs garnisons ou gens venus de la part du Roy ; telles gens se defendent bien plus, n'esperant aucun pardon : les villes & peuples aussi qui nous haïssent comme les Anglois, les Flamans & Bourguignons, ou qui ont desir de dominer comme les Espagnols & Allemans : à ceux-là souuent il faut vser de force ; les dons & les parolles font beaucoup pourtant enuers eux, & faut toujours les asseurer de ce qu'ils craignent.

Aux libres & qui ne sont à personne il faut dire qu'il est bien meilleur & salutaire estre à vn seul Prince

Prince doux & bening, qui ne tend qu'à leur plaie & à les mettre. en repos; que son dessein n'est que pour esteindre l'ambition de plusieurs qui commandent & qui se veulent faire souuerains, ce qui ne peut arriuer qu'en destruisant les meilleures familles de leur Estat.

Au reste il leur faut sur tout remonstrer tous les maux d'un Siege, les desolations d'estre forcez, & le bien d'estre ayez & soustenus d'un grand Roy.

Les Peuples qui font la guerre d'eux-mesmes ne sont pas difficiles d'estre subjuguez, car on se lasse bien tost de despendre, & particulierement si c'est pour autrui.

Si les Villes ne font que prester faueur, c'est du bon gré des habitants, ou malgré eux: Éstant malgré

eux le chemin est tout ouuert : Si c'est de leur gré, il faut corrompre les Chefs, Capitaines, Officiers, & soldats qui leurs disent à toute heure que la Ville n'est pas tenable, & qu'ils ne peuuent estre secourus.

Si on fortifie, empescher la diligence par ces moyens: si ce sont les soldats qui trauaillent, semer vn bruit que cela est deshonnéste, & office de pionniers: si ce sont pionniers, dire cōme en riant que l'on gagne biē plus à vne telle Ville, & que l'on leur fait tort de leur donner si peu, & par ainsi retarder & empescher tout, à fin que l'armée venante la place soit imparfaicte.

Vn chef peut aussi gaster & consumer les munitions & viures feignant n'y auoir songé.

Il faut tenter toutes choses deuant

uant qu'assiéger, & considerer si la place est pour tenir longtemps ou non, par quelque defaut, se hastant toujours fort de l'aborder & surprendre au despourueu, car il n'y a point de place au monde qui s'estant pourueuë de toutes les choses qu'on aura creu necessaires, que troisiours apres estre assiegée on ne treuve auoir besoin de quelques vnes. C'est à quoy vn homme de guerre doit bien penser & à faire toutes provisions.

De cela j'espere avec l'aide de Dieu en faire voir vn iour quelques instructions & regles par escrit, mais pour reprendre mon discours, ie dis donc qu'il ne faut laisser passer l'occasion, & donner temps à des Ennemis de songer à eux & de remedier à leur de fauts.

60 *Considerations*

Les aduis des defauts aux places ou à quelque autre chose parmy les Ennemis se doiuent acheter au poids de l'or, car vn seul peut perdre vne Ville en estant bien assuré, & sur cela on forme son dessein.

Si on est en diuision, il faut aller en diligence avec bons petards & eschelles, criant vn party, & promettant toute ayde, car cela les fera saisir quelque endroict & ouurir: Et autrement donnant temps de penser au mal, ils peuuent se remettre d'accord pour se defendre.

Aux Villes partializées entre eux, faut aduertir & assseurer le party gagné qu'il n'auront aucun mal, car autrement ils se referoient amis craignant le pillage.

Pour de telles entreprises il faut
faire

faire des grandes cornées, auoir de bons conducteurs, de bons chefs pour conduire tous les ordres que l'on fait, & des bons soldats pour les executer, disant sur tout en partant, que l'on va ailleurs.


Il faut cōsiderer, si on peut garder la Ville, en l'estat où elle est, quels Ennemis il y a à la campagne, quelle partialité dedans pour l'Enemy, dont il se faut defaire. S'il y a Citadelle, comment on se pourroit fortifier contre, quel secours on aura soit d'hommes, & munitions, autrement pensant prendre on seroit pris: garder les contre-traisons faisant bien taster le gué, par des gens de peu de conséquence, & tenant bon ordre dehors pendant l'action, se fortifier en quelque lieu pour refuge: songer bien à

62 *Considerations*

tout : Et en fin pour entreprendre
quelque chose en guerre , il faut
aller tousiours bien accompagné.

F I N.





















XO
E

BIB
V
X